

李文恭公遺集

李文恭公詩集卷六目錄

湘陰李星沅石梧著

男概編次

榛桓梳

七言律詩

癸卯監臨陝西鄉試有作

四首

題徐秋士大令六世祖明太僕公小像

次鄧嶰筠制軍寄楊至堂廉訪韻

四首

和劉詹厓殿撰寄懷韻

林少穆制軍奉使回部疊韻寄之 四首

疊韻載寄鄧嶰筠丈 二首

金山曉望

疊韻和季眉湘中 三首

五十初度自述 四首

和梁茝鄰中丞慕園小集韻 二首

和林少穆制軍東歸述懷原韻 四首

錫山紀游

黃梅道中書感

黃州渡江

過縣城作

鎮甯道中

題湯雨生副戎

貽汾博山雅集圖

引疾得請歸舟偶作

四首

江口守風

四合山遇大風作

如何

和張詩舫中丞見懷原韻

黃州晚眺

舟次奉謝病摺

殊諭一俟病痊卽行來京朕切望之至卿當諒之欽此

伏讀涕零恭紀

渡江感賦

讀孟襄陽歸南山詩戲反其意

獨荷

沿江大水書感

和楊紫卿見贈原韻 二首

和楊芝樵重九小集原韻

芝樵六十一歲生辰戲柬

和張詩舫中丞秋闈監臨原韻 二首

胡尚鷗招賞園菊卽景成詩并寄次山武陵 四首

和楊紫卿九日登天心閣原韻 二首

紫卿夜過再疊前韻 二首

和楊性農贈詩三疊前韻 二首

和鄧湘皋廣文九日登高原韻 二首

送別湘皋丈再疊前韻 二首

答湘皋丈三疊前韻 二首

問湘皋丈病狀四疊前韻 二首

湘皋丈紫卿見訪五疊前韻 二首

贈別紫卿六疊前韻 二首

湘皋丈贈季弟詩念及先大夫京寓過從次和志

感四疊前韻二首

再送別湘皋丈卽以書懷七疊前韻二首

十月九日堯農舅氏約同人登妙高峯五疊前韻

並酬左景喬二首

分答湘皋丈景喬六疊前韻二首

景喬舉子招飲七疊前韻二首

呈堯農舅氏卽題山居侍養圖八疊前韻二首

小園餞菊煨農丈心畬舅先有詩拈此答和

題羅研生蒼松老屋圖

和煨農丈韻

再和煨農丈聚星堂小集原韻

二首

題紅豆山齋圖

和雨樓鄉居飲酒詩

二首

雪窗對酒步心畬舅氏韻

和雨樓立春原韻

庚戌元日和唐岑參早朝韻

道光三十年庚戌正月

大行皇帝龍馭上賓時臣引疾家居驚聞號慟卽具摺

請謁

梓宮泣成四詩敬攄

聖德附申哀悃

展墓追悼杭兒

鹿角守風寄巴陵諸友

邯鄲盧生祠

樂城贈達經圃廣文

乞養得請恭紀

二首

重經大梁作

畱題葵園卽贈周介夫觀察

月夜渡洞庭湖

中秋招雨樓瞿魯青小集次雨樓韻

二首

季眉初度有詩依韻和之時待石軒甫成距芋園

不數武也

四首

庚戌十一月二十日家居奉

命作爲欽差大臣馳往廣西督辦軍務恭紀

二十一日發長沙

湘南古寺

祝張雲巖四十初度

并序○補

李文恭公詩集卷六

七言律詩

癸卯監臨陝西鄉試有作

萃筮纈俊八埏該陝右龍門談蕩開河嶽神奇原間出
漢唐人物此重來奎躔自合珠杓轉文戰奚容畫角催
硃墨縱橫千萬卷不知誰是揆天才

愛士真令歡喜生宗工品藻妙提衡冰壺靜對皆仙侶
香案分行有舊盟却憶錦官成往跡偶從櫻宴得知名

擁旄無那慚清影坐聽春蠶食葉聲

宦游三至信前緣振觸名場十六年磨蝎劇難忘矮屋
聞雞猶恐著先鞭箇中滋味渾如昨家裏升沈祇自憐
今夕故鄉搔首望阿連辛苦尙依然

廣寒金粟糝秋中試揭元鐙塢頂紅大好樓臺宜貯月
本來關節不通風新涼露冕三更永高詠霓裳一曲同
願拓齊賢當日榜快心入彀盡英雄

題徐秋士大令六世祖明太僕公小像

天生風節歷艱屯遺像歸然大僕存北寺幾成喬固慘
東林差竝左楊尊茄花妖識金璫豔諫草孤忠碧血溫
至竟團溪好烟月護持圖籍有文孫

次鄧嶰筠制軍寄楊至堂廉訪韻

舉蘭重迓佛香溫便覺離心滿渭原宦跡本如舟不繫
塵因解道鏡無痕漢家節制三邊重魯殿靈光一老尊
暫駐稽帷運籌策平番願早答

君恩

聚散頻年緒萬千舊游回首幻雲烟嶺南文宴石九曜
塞外歸裝雪半肩照影烏蟾談往事代飛燕雁印奇緣

抱琴欲奏海濤曲佇目回遲月下弦

右贈
解翁

尺書寸意致寒溫我所思兮在隴原邊地政聲各努力
故人春夢尙留痕

謂海馭
制府

草肥紫塞籌番族花幻青蓮

笑世尊

時游青
蓮教案

好是南陽還小聚

謂解
翁

泰交茹藁有

新恩

雙符兼綰牘盈千坐鎮河湟萬竈烟却愛仙吟摩鶴頂

偶懷火色問鸞肩一枝吳會移巢感八載襄陽對酒緣
舊雨臨歧不相見郵筒先已悵離弦

右贈
至堂

和劉詹厓殿撰寄懷韻

清吟入手細研磨宛對同心千頃波三島歸來娛綵舞
百花開早待羹和敢忘

丹眷垂詢切可奈蒼生屬望何渭北章南勞夢想鷺洲
今夜月明多

林少穆制軍奉使回部疊韻寄之

金天翊化有重該絕域營田萬井開遠水直探星海上
夕陽曾度雪山來春耕回堡歲無恙秋辦官租吏不催
指畫窮廬齊佩犢燕然奚數勒銘才

早知

宣室念蒼生前席還應仗準衡何事東歸遲

鳳詔尙令西笑憶鷗盟制惟因地排羣議

帝以安邊副盛名厯徧八城

新寵渥玉關霜信送騶聲

小住將諧一握緣
勞人萍梗歎今年
任當艱鉅愁難荷
生不聰明強自鞭
鍊汞有金仙可學
巧炊無米婦誰憐
臣心未盡民膏盡
籌

國先須訪計然

獨尋舊部向吳中
回首潼關日照紅
對酒吟髭飄朔雪
趨庭史筆仰宗風
雁書止盼庚郵遠
鶴詠聊占子和同
多謝蕭規勤指引
敢期步武嗣前雄

登韻載寄鄧懈筠丈

老臣

天眷玉綸溫使節重探鑿空原夕照漸收鴉背影雪消
何處馬蹄痕柳絲著意牽征轡桂盞含香到酒尊萬里
清秋橫一鷲自期惟有鳳凰恩

將士沙蟲化億千當年鏡吹淨狼烟觥排頓致南箕舌
擔荷誰勝西土肩蜃海迷離多變相鴻泥留滯又因緣
書生忽觸雄心起願跨金驃挽綠弦

金山曉望

萬派朝宗滙滄海一峯峭兀聳春雲又乘新霽浮揚子
敢望名山識使君坡老禪機聊復爾斬王戰績更誰聞
轉輸初試東風力吹到揚州月二分

疊韻和季眉湘中

使節重來近歲除萬家烟樹闔閭居春陽首布東郊合
天寵新承

北闕書稍喜山川曾芟舍敢忘風雨在蓬廬江南財賦
今如此何計綢繆雁戶儲

東風吹綠上階除
蘭草油油問起居
衙鼓勸斟丹液酒
宮袍歸誦玉堂書
老梅夾道連山袂
靈鵲營巢似敝廬
春色滿園頻檢點
松陰猶有鶴糧儲

細草寒烟自掃除
春深官閣侍興居
板輿小闥探花徑
石几重繙種樹書
雲影移時堪入畫
風光好處卽吾廬
預期阿弟來將母
細摘園蔬當飲儲

五十初度自述

芰荷香定月初圓
話到懸弧一概然
慧業肯居靈運後

壯心常恐祖生先鑿楛涕淚傳遺帙負米艱難憶少年
彈指光陰俄半百那堪

重寄在南天

詞臣十載建牙旗早荷吾

皇特達知前席屢塵

宣室問輕舟深抱巨川危杜陵稷契空期許葛蕭曹
待指麾甌勉涓埃竟何益殷憂搔首髡如絲

時會三吳太角張已經穀賤又銀荒轉般久困摸金役

酌劑誰工煉石方長願陰霾消海市可能溫飽徧江鄉
黑頭鎮撫尋常事却笑牽牛不服箱

遠非內省及茲辰多謝崧高望甫申大地桑麻同長養
小園花草亦精神循陔自譜無聲樂報

國當勤未老身靜熟名香對清夜此生何忍負

君親

和梁蔭鄰中丞慕園小集韻

風流洛社此班荆白首婆娑故舊情中聖銜杯無酒律

長城鏖戰有詩兵重尋鴻雪痕如昨回憶餘波骨尚驚
同是江湖戀

廊廟談深熱淚一時傾

等身著作自成林坐對名園綠古今竹露似隨人意靜
荷香不放月光沈得閒小試浮家趣垂老逾殷好士忱
我欲倚裳陪杖屨秋山重與快登臨

和林少穆制軍東歸迷懷原韻

天下安危繫此身

皇衷篤注老成人歲寒不改冰霜操地廣能敷

雨露仁萬里軺車驚漢節半年籌策靖邊塵坡翁詩句
涪翁筆留作陰山勅勒春

當時道濟本長城百粵樓船橫海迎坐歎炎蒸勞馬援
幾令雪窖困蘇卿臣殷北向忘羈旅

帝盼東歸算驛程畢竟孤忠動

天鑒秋陽照爛有葵傾

牙纛重臨陝甸寬青門膜拜集衣冠乍瞻袞繡神先王

細數輪蹄淚欲彈
佛力允推肩荷鉅
雄心肯讓髻華殘
九州利病千秋鑑
了了螺紋指上看

伯勞飛燕感蒼茫
舊部依然蟹稻鄉
敢望前規奉蕭相
何期左顧辱孫陽
遠屢弧矢情珍重
強負鹽車道阻長
回首三峯在天外
蓼蟲辛苦共誰嘗

錫山紀遊

東林俎豆中興年
結契重叅蕭寺禪
一徑白雲開曉霽
半窻紅葉襯秋烟
竹籬何福會清供
書卷相於亦靜緣

多感故人持贈意洗心長淪惠山泉

謂鄒鍾泉

黃梅道中書感

山驛風光故宛然舊情振觸不勝憐
鴻泥細認皆陳迹鸞鏡分飛忽九年
羅袂怯寒秋掩冉車茵墮水病纏綿
黃梅雅謔桃花醋至竟酸心老淚漣

黃州渡江

風帆烟樹鬱蕭森歷歷齊安閱古今
舉酒欲尋孤鶴夢扣舷微和老蛟吟
黃州鼓角秋聲壯赤壁江山夜色沈

少喜班荆能道故明朝漢上續題襟

過縣城作

故里枌榆萬瓦連宮牆數仞獨巋然

吾邑泮宮宏整爲南省冠高懸

塔影霞標起清吸湖光月鏡圓攬勝相期自今古生才
肯負此山川官衙刻燭麈文戰回首童場已卅年

鎮甯道中

馬蹏翠翠出幽崖極目安莊且暢懷茶市烟濃團草屋
板橋霜滑印芒屨碧芹在圃香逾遠白石爲城小亦佳

三兩蠻娃儘堪畫抱兒汲水背肩柴

題湯雨生副戎

贈湯

博山雅集圖

先生琴隱不入市獨憶清游數往還我亦前因證香火
依然夜雨話巴山真靈位業千秋上瀟灑烟雲一嶂間
安得師門乞津逮後塵努力濟時艱

引疾得請歸舟偶作

鍾阜南連楚澤長石城風利送牙檣舟輕自載
君恩重病熱能令宦夢涼揮手江干彈別淚安心

天上賜醫方

沅請假開缺三次奉
諭安心調理

海山愧乏涓埃報書

錦何堪豔故鄉

梁棟容俞負

九重

沅初守漢中
諭以勉爲國家

梁棟之材

塵勞八省綰提封

排雲闔闔曾披腹捧日樽桑幾盪胸肯任半塗成徙倚

劇難千載副遭逢瘡痍在抱刀圭淺往事追思歎養癰

先憂後樂意茫然蒿目時艱忍息肩從古功名皆福命

許身忠孝卽神仙非關泉石膏肓隱才覺秋霜鬢髮宣

記取懶殘分芋火十年多謝出山緣

板輿無計迓慈幃烏烏私情欲奮飛甘讓鼎鐘求薄養
早調湯藥奉當歸蘭盞細挹三江水萊綵長披一品衣
母笑扶兒兒未老願同寸草答春暉

江口守風

一葦飄然溯上游江神何事儘勾留廿年始遂還鄉願
七日猶牽送別愁湖上樓臺遲姑孰夜闌鼓角度昇州
東風若解憐將母飛送蒲帆慰白頭

四合山遇大風作

俄頃帆檣渺一毫南風擊水水山高腥飛雨氣蛟鼉舞
怒挾雷聲虎豹嗥幸有神明消恐怖敢云忠信涉波濤
鳩茲咫尺同方丈海上虛名悔釣鼈

如何

如何一步一逡巡磨蝸重參去住因牛渚雲山疑欸客
螺磯風浪故驚人高飛燕雀猶知倦曼衍魚龍久未馴
差喜隔江傳厭勝靈旗東颺唱迎神

和張詩舫中丞見懷原韻

百二秦關倚絳旂，鳳棲非復舊鶯巢。
頓令宿障開新霽

却憶前驅數故交，沛上墨綠留畫筵。

乙未使粵過沛，君以畫筵見贈。

西詩律愛傳鈔。

君開藩粵西，曾示近作。

願予封事終何益，歸病猶

防南嶽嘲。

書來及予請止折漕疏，故云。

黃州晚眺

黃州城郭夕陽殷，鴻雪因緣俯仰間。
明月西來渾似舊，大江東去幾時還。
波漂炊冷千間屋，風緊帆移兩岸山。

草草勞人緣底事六
漁收網獨蕭閒

舟次奉謝病摺

殊論一俟病痊卽行來京朕切望之至卿當諒之欽此

伏讀涕零恭紀

恩言感激涕交願謝病生憐病起遲

主望直從歸日切

帝心獨諒遠臣知十年癥結需和緩五夜

觚稜繞夢思

廊廟江湖憂未歇一身出處兩難時

渡江感賦

漢江一片白無垠多事陽侯倚浪頻
逝水飛鴻少安宅炎官火繖尙驕人
驚聞令甲城先閉忍見逃亡壑在鄰
待訪鶴樓興蕭索哀絲豪竹已前塵

讀孟襄陽歸南山詩戲反其意

年過半百忽歸與豈爲勞薪愛索居多病尙遲

明主棄不才先遣故人疏園林有幸常依母車馬無聲

自讀書但使康衢歡擊壤此生亦願老樵漁

獨荷

掃除萬慮寂無言病裏光陰足避喧
弭棹似逃蓬藿遠
辭官始信節符尊浮雲變態同游
戲皓月禪心見夙根

獨荷

主知難自遣退閒一日即孤

恩

沿江大水書感

嘉魚三日滯人歸歸路驚心水四圍舊歲漲痕今已過
新堤烟景覺全非大風鼓柁連村杳驟雨翻盆斷岸稀
暮色蒼茫何處泊神鴉多傍六溪飛

和楊紫卿見贈原韻

橘洲觴詠小盤桓病裏心情特地寬重尋故人嫌吏拙
劇論時事歎才難聞歌欲起桓宣武卜築空懷管幼安
北望京華頻眷戀湘江未忍老漁竿

揮手蠻鄉廿五年清狂猶記插花顛閒身暫許依衰母

高隱何堪擬散仙，遊戲名場聊復爾。時方應秋試追思宿草

各悽然

謂蔡黃樓輸君擁几春星閣，風雨瀟瀟對簡編。

和楊芝樵重九小集原韻

小閣方池背夕陽，游魚策策復堂堂。題襟恰就登高賦，
掃徑如開選佛場。紫蟹黃花秋點綴，白雲紅樹月蒼涼。
勸君酌我無多酒，可識寬饒醒亦狂。

芝樵六十一歲生辰戲柬

甲子才過六十強，掀髯一笑又飛觴。比鄰攜手宜元亮

謂雨樓

舉案齊眉有孟光
小雨頭添菘菜綠
深秋飽看菊花黃
老饗又在孫山外
想煞筵前蟹殼香

和張詩舫中丞秋闈監臨原韻

仙山留帶海天寬
華嶽重開霄漢端
英蕩廿年尊北斗
萃筌八月盛西安
高牙靜對水壺朗
矮屋嚴巡玉漏闌
關隴雄心爭一鼓
雲間老將管文壇

宦游兩度逢秋試
鎖院煎茶學賦詩
駒隙飛騰如昨日
蠶聲辛苦想當時
書傳紫府琅玕曲
夢繞青門楊柳枝

更喜故人黃叔度

謂恕階編修

曲江聯轡訂新知

胡問鷗招賞園菊卽景成詩并寄次山武陵

廿年不作習池飲連襪重過興欲飛
笑對菊花寬戒律飽聽夜雨破愁圍
繁華世態當場幻耐久交情我輩稀
快倚高樓看山色投簪特爲麓雲歸

且亭之徑綠盤紆位置幽人此畫圖
大好卧游似宗炳况兼豔福有清娛
庭梧向石若相語江月在天時可呼
我亦城東謀小築故園松菊久荒蕪

飄零琴劍客淮川孤館秋燈記宛然千古笛聲懷絕調

謂趙蘭坡大令

半窻蕉影悟情禪更煩割宅安家具肯許棲巖

傲列仙因病得閒聊憇寂前程輸與祖生鞭

西風枉渚獨揚舡勞史書來問醉醒佳句每從阿弟得
劇談如共及園聽難忘招隱山中桂可任浮踪水上萍
盼到歲寒三友集陂塘預檢種魚經

和楊紫卿九日登天心閣原韻

城南秋老碧蕭寥閣倚天心步履高擲筆君原超絕頂

偃關我欲避羣豪青雲直上行雕盼黃菊初開對蟹螯
那得長閒似今日廿年人海歎塵勞

嶽嵐湘樹俯盤斜愁見江流走白沙蛟織重淵空有淚
雁噉中澤已無家山田稍喜收秔稻秋雨還須趁菜花
不耐登臨環百感西風吹帽任嘲嘉

紫卿夜過再疊前韻

却掃憑誰慰寂寥倦飛毛羽不能高未甘伏櫪心仍壯
便到支笻興亦豪昨共故人揮玉麈頗思異味飽車螯

開懷一醉乾坤小汗漫何辭病起勞

永夜徘徊烏帽斜坐看涼月照平沙鐘聲斷續前村樹
畫意蕭疏處士家鶴睡不知秋入夢魚跳乍覺水生花
清游更望過予季疊展重陽天氣嘉

和楊性農贈詩三疊前韻

舊雨重來坐鬱鬱雄談俯凭竹林高驚心枉渚波臣怒
回首燕臺酒伴豪顧我退飛隨六鷁讓君歡會擘雙螯
出山更比登山倦恐負知音贈策勞

鴉陣迷離雁字斜夕陽影裏悵風沙
要令精衛爭填海未滅匈奴敢念家
裴相成功開綠野魏公晚節見黃花
自知遯跡難方駕且乞平原賦應嘉

和鄧湘皋廣文九日登高原韻

天光雲影瞰微茫高閣吟聲徹上方
楚客悲秋同宋玉先生相士卽孫陽
題箋自愛名流集襍被同依講舍旁
一笑粗官歸尙俗分無清興接萸觴

閒居奉母卜城東時事關心斗室中
重負鹽車憐瘦馬

暫離塵網慕冥鴻餐英久荷三霄露破浪終乘萬里風
獨抱沈疴猶未起願求靈術問桑公

送別湘皋丈再疊前韻

高秋獨立感蒼茫朋舊無多天一方乍喜同心來異縣
始知佳節有重陽峯巒拱揖南衡麓星宿駢翔北斗旁
槃敦主持真健者長沙十日快傳觴

依依歸棹又西東想見春生杖履中雲樹相思勞夢轂
雪泥到處印飛鴻老懷千古杉間月

近刻杉溪
倡和集

清韻一

庭松下風

小舉兄弟多才皆松蔭也

我欲草堂更陪從可能縮地仿

壺公

答湘臯丈三疊前韻

富貴神仙兩渺茫
萍蓬小聚各他方
秋心萬斛憑高閣
山色四圍留夕陽
遠眺欲凌霄漢上
晚香合就菊花旁
今年此會差無負
送抱推襟累百觴

競傳雅集徧湘東
笠屐翛然圖畫中
共羨清聲如老鳳

謂小舉

頻牽離思有歸鴻
連床燈火談蕭寺
疊韻尖叉續

楚風祇恨垂雲不成雨病閒早謝黑頭公

垂雲自具崇朝雨湘文昨

贈句也

問湘臯文病狀四疊前韻

傳聞咫尺亦迷茫擬訊盧醫自治方忽遣風雲馳健筆
直同雷雨戰昆陽縱橫早忘邯鄲步奇妙俄生咳唾旁
爲問漁樵居士約

雙圖丈自號

昨朝何事却飛觴

迴瀾水障百川東幽渺張皇著述中壯志肯輸千里驥

遠音爭附九秋鴻

丈時續編者舊集同人皆爲菟岢

愛憐心血收餘燼

歡感吟魂拜下風，同住沅湘無一得。
楚南文獻久推公，
湘臯丈紫卿見訪五疊前韻。

百端交集此茫茫，經世羣資肘後方。
愧說擁騶增暮氣，願聞鳴鳳應朝陽。
典型尙有吾安放，談笑若無人在旁。
古往今來同一慨，追歡且盡手中觴。

瀟水南流資水東，詞場小別麓雲中。
布帆安穩飛沙鳥，石室荒涼付澤鴻。
自向屋梁吟落月，還期絲竹被春風。

倚裳早慰明年約，留伴消寒只寓公。
謂沈栗仲丈

贈別紫卿六疊前韻

山城烟靄暮滄茫並坐中庭月一方冷意催人聽落葉
游踪經歲話辰陽願偕結宅瀟湘畔莫再尋香桂樹旁
蘿薜簪纓等閒事故交歡聚數傾觴

桂林西嶠階浙江東嶺三地懷思寤寐中忍向九嶷藏

霧豹重煩尺素繫雲鴻天涯各有飛沈感我輩偏多離

合風明發同舟遣寄語護持小病爲龐公

謂湘
皋丈

湘皋丈贈季弟詩念及先大夫京寓過從次和

志感四疊前韻

天半霜鐘度次寥塵喧頓寂響彌高九歌獨下靈均拜
卅載羣推老杜豪尙憶燕南同市駿偶從旋北快持螯
故交振觸黃墟感風雨羈棲繾綣勞

傷心乾蔭日西斜有恨無涯算海沙葛帔禁寒頽隕涕
荊州作賦早辭家修名恐墜楹書澤益壽長娛萱砌花
父執幾人今健在捧觴何止詠賓嘉

再送別湘臯丈卽以書懷七疊前韻

驩棕離緒日茫茫安得搏沙不散方香到谿梅迎古尚
興餘簪菊過湘陽南村預想瓊鑪會白社常懷几杖旁
遲我明年掃花徑重偕伯起對吟觴

謂紫
荆

養疴小憇漢臺東宛在巖栖谷汲中敢負雄心追驥駭
何堪弱羽伴鷓鴣歲華飄瞥無閒晷雲氣飛揚有大風
臨別贈言長在耳莫教偃蹇老松公

十月九日堯農舅氏約同人登妙高峯五疊前

韻並酬左景喬

重九歡塵肯歇。蓼已過一月。續登高奇。兵特起老誰敵。
強弩爭開末。尙豪妙有因緣。徵夢視羗無故。實門拈螯。
耽吟更愛楊風子。險覓狂搜未息勞。

朱張渡口片帆斜。紅樹霜明露浦沙。羣向故園歸緩緩。
却留團扇畫家家。鍊都方倚太冲筆。振策行看

上苑花。僕病未能煩七發。前期敢忘贈言嘉。

分答湘臯丈景喬六疊前韻

朱絃寶瑟今寥寥。浩唱去天三尺高。銜杯忼慨少同輩。

據鞍矍鑠真奇豪願留吟社執牛耳更欲歸路供蟹螯
顧予獨愧丈人厚

主恩未報何辭勞

總角交遊非影斜生同羅國聚長沙流光瞬息各中歲
夙好詩書今幾家喬木百年閭里廡鄂村一色弟兄花
期君北上快連轡著述永明拜

寵嘉

景喬舉子招飲七疊前韻

白社琴尊漸闌寥吟聲斗出麓峯高試啼爭爲奇兒羨
賈勇當如老子豪風味可人側生荔文章他日橫行螯
錦糲呼叟彌珍重湯餅筵開中饋勞

酒伴翩僊醉態斜城南聯袂踏晴沙漫愁別浦雲千里
最好比鄰春雨家石徑霜痕認楓葉溪橋詩思訪梅花
北征未肯頻延佇早作消寒會亦嘉

呈堯農舅氏卽題山居侍養圖八疊前韻

碧湘老屋樹蒼茫早奉金萱不老方笙補白華推東晉

馭回九折歎王陽牽裾自適烟霞味簪筆曾依

日月旁恰趁小春好天氣勝游分酌紫萸觴

嶽麓西橫江岸東妙高峯在畫圖中傳經重執大夫雁
避熱劇憐童子鴻慈蔭婆娑偕上壽外家標格仰高風
那堪日下夸無對只愧甥忱負范公

小園餞菊煨農文莘翁舅先有詩拈此答和

結廬自愛傍東籬真意悠然花數枝冷傲新霜難入俗
香留晚節詎嫌遲尙餘漉酒頻相憶除却探梅更數誰

風味高寒惟我爾重陽肯負隔年期

題羅研生蒼松老屋圖

資東一卷畫松陰

謂鄧湘文松
堂讀書圖

又對昭潭萬樹森兩地

並傳耆舊宅百年長抱歲寒心書延祖澤琳瑯富壽益

孫枝蒼翠深

研生方爲尊
甫九旬稱壽

何日綠漪携酒過石塘同聽

老龍吟

和煥農丈韻

屏跡常懷夜氣箴滿籬不復問黃金百錢挂杖銜杯穩

萬卷排籤隱几深時向舊交開口笑漸當寒夜聳肩吟
長沙名士多于鯽無此閒雲自在心

再和烺農丈聚星堂小集原韻

舊媼新好話同堂尙憶歸瀧指樂昌去日已多如隙過
高年自喜爲交忘藎鑑佳會斟三雅梅柳風光問一陽
獨抱古心歌白雪只愁屬和不成章

支許淵雲聚一堂重新奇律譜歸昌樂該笙磬同音永
妙悟蹄筌得意忘行矣故人宜努力早隨鳴鳳噉朝陽

漢廷著作宏金馬爲要相如郊祀章

題紅豆山齋圖

昨探寶藏見波斯石墨新鐫光陸離更喜牙籤富圖籍
劇難綺歲工文詞我生好古兼好士四海千秋心識之
待向君齋覓紅豆山居繞礮種相思

和雨樓鄉居飲酒詩

清言肯與素心乖昨夢同游沙港涯乍喜小春洞泉活
會逢快雪影珠佳鐘聲入夜攪離思詩柬如雲傳好懷

身外浮名一杯酒消寒我亦醉山齋

攬袂生愁出處乖茫茫人海問津涯辭榮敢望閒居樂
善病差宜且住佳靜裏琴書原夙好偶隨魚鳥亦同懷
別來獨悟禪宗旨只少香山白日齋

雪窓對酒步心畚舅氏韻

天公玉戲曉圍佳蠟屐人來雪半街綠蟻預斟迎歲酒
紅梅好上辟寒釵正思清飲圖茅屋又趁斜陽踏筍屨
冰筋乍消檐溜永錯疑小雨滴空階

和雨樓立春原韻

關心臘鼓響登登暮景撩人歲月增家計漸知鹽米累
宦歸差免簿書仍秀才風味新笏酒兒女年光小市鐙
頗訝入春新雨驟松陰翠溼鶴鬢髻

庚戌元旦和唐岑參早朝韻

長沙城郭曉烟寒三唱雞聲玉漏闌久忝朝簪趨五夜
同鳴仙珮集千官杵分

御果香猶濕字捧

天書墨未乾今日家園殷北望彌思報稱

主恩難

道光三十年庚戌正月

大行皇帝龍馭上賓時臣引疾家居驚聞號慟卽具摺

請謁

梓宮泣成四詩敬攄

聖德附申哀悃

六龍回日萬方悲

慈馭攀躋仰

孝思

智勇早承

天眷佑升恒胥祝

帝期頤

紹衣法

祖誠無息

宣室求賢念在茲
驟聽鶴言今歲雪
上元春燦

紫宮旗

宵旰親勞勵健行

文謨

武烈重持盈

仁周施濟逾堯舜時遇憂危益

聖明

慎德艱難殷國計休兵悱惻卹民生懇知

懇几申

遺命

疇載彌厪保赤情

特簡孤寒出翰林菲材夙沐

至知深

臣於造滕時屢蒙簡並無人保舉汝當勉爲國家梁棟之材

諭及汝由翰林經朕特

超遷臺吏縈

丹注

臣由知府五載卽領封圻

稠疊

綸褒賁

玉音

二十六年正月奉品正甚有厚望於汝等

諭朕看汝年富才明學優因二十七年七月奉

李文恭公詩集

卷六

七言律詩

七

諭一切盡力爲之以副朕
得人甚難之苦衷也欽此

常恐宦途墮本色

十九年八月奉

諭勿失書生本色等因欽此

欽依

奎藻固初心

二十三年二月奉

諭又曾記朕舊作汝其致意焉等因

此欽得人畢竟虛

宸勗鉅荷奚容力小任

昨從白下返江村臥病纏綿戀

九闈載捧

芝泥垂切望

二十九年五月奉

諭一俟痊愈卽行來京朕切望之至卿當諒之欽此

亟思黍谷幸重溫而年蟻慕俄驚夢末路駑驅已負

恩北向

鼎湖遇雪涕烏號淒斷痛生存

展墓追悼杭兒

科第文章安在哉春深羸博卧莓苔孤懷久欲呼天問
三載前猶挈汝來大夢已醒知藥誤空花無著想魂哀
一家骨肉長相伴應爲勞人話夜臺

郭夫人及長婦
智珠墓均相近

鹿角守風寄巴陵諸友

十日拏舟九日停重湖留滯幾曾經春浮楚塞波痕綠
雨洗君山石氣青何處投書尋柳毅中宵鼓瑟怨湘靈
岳陽酒熟拚同醉那得飛吟過洞庭

邯鄲盧生祠

火繖風輪大道馳邯鄲清境耐人思醒來將相誰非夢
用百文
斂楹語悟後神仙亦尙癡半世浮名知味早萬行熱淚
報恩遲前程已快黃梁熟莫問盧生伏枕時

樂城贈達經圃廣文

一回相見一懽然，往復欒城數舊緣。
垂老倍增梨棗富，諸郎況又甲科聯。
冷趨坐久多詩債，廉吏歸來有硯田。
其話沔陽如昨日，漢南回首十二年。

乞養得請恭紀

晝接初承

雨露濃六年重聽尚方鐘

帝樞星拱端宜靜

聖量淵深大有容，造膝敢期伴益贊。
攀髯何處望

軒蹤

上問歷官各省揮淚諭日久任封疆

皇

回思南服趨

朝日

訓勉殷垂慟未從

至德彌綸萬化新還鄉仍作太平民推誠曲喻難言隱

教孝宏施不置仁

臣

願駑驅忘宿疾

主憐烏哺爲衰親

景因

有前在兩江告病何不告養之

論
他時報稱能毋負誓此

天家豢養身

重經大梁作

宦轍依稀雪爪痕十年重踏古夷門危城歷劫驚沙岸
故侶無多憶酒尊良嶽名留花石幻吹臺響寂曉烟昏
不堪萬柳園前路燭冷香銷幾斷魂

戊戌歲杪郭夫人
遜曾殯園中

留題葵園卽贈周介夫觀察

馬頭猶帶軟紅塵重向葵園問主人路入信陽詩敢俗
酒逢公瑾味逾醇一庭竹石無炎暑三宿浮屠有淨因

我愛村居種楊柳盼君歸作兩家春

月夜渡洞庭湖

朗吟飛過亦仙乎上下天光萬頃鋪
淨掃烟雲出明月
倒含星斗入重湖
往來頗歎頻年數
清妙曾如今夜無
一髮君山半船夢
南歸補畫御風圖

中秋招雨樓瞿魯青小集次雨樓韻

秋光寂歷倩誰探
祇共素心人
兩三領畧烟霞無世味
平章風月有清談
相期小隱常連袂
尤喜中年便解簪

佳節當前漫拋擲，圍亭香滿桂花酣。

一椽臨水絕塵鷺，網得鮮鱗勝劍螯。綠漾池萍隨樂活，黃垂鄰橘出牆高。詩情疏磬傳蕭寺，酒意眞珠滴小槽。

賀老琵琶今健在。

謂魯青

虬髯何事不能豪。

謂芝樵

季眉初度有詩依韻和之時待石軒甫成距芋

園不數武也

萬古仇池小有天，結廬咫尺興悠然。未能富貴關清福，不作神仙悟俗緣。身世寬閒宜永日，弟兄歡聚又經年。

弧辰恰喜重陽近預采黃花到酒筵

故山猿鶴悵歸遲北鄉心猶戀紫微自分玉卮本非寶
肯令金帶不成圍補天誰鍊笙媧石隔水空憐織女機
且拓舊巢棲倦鳥扶搖曾傍九霄飛

息影逍遙雲水鄉重添竹樹兩三行門通曲徑沿花影
圃接疏籬送菜香細數秋光濃入畫平分山色淨如粧
頗矜詩事吾家勝早掬湘波爲洗腸

壘篋迭奏一時新馨膳循陔樂養親野處共馴麋鹿性

宦成長乞薜蘿身篝燈不遠連書牖廩粟無多望石困
莫更蹉跎嗟白首同懷好是葛天民

庚戌十一月二十日家居奉

命作爲欽差大臣馳往廣西督辦軍務恭紀

授鉞專征重簡書春風一夜到蓬廬昌黎願紀淮西捷
君實新辭洛下居已分鴛鴦甘伏櫪無端螳臂敢當車
梧江左右連氛祲仰藉

天威迭掃除

三十一日發長沙

清霜畫角送征騑，眷戀循陔未忍違。
溫嶠牽裾難小別，姜維緘藥止當歸。
林鳥宛轉常中夜，戈馬縱橫試一揮。
早靖邊塵報

天子斑衣重與換戎衣

湘南古寺

浮屠湧出碧峻嶒，不壞身參最上乘。
佛力可能銷浩劫，民情祇共切哀矜。
忍教玉石投炎火，好趁春風化積冰。

同是湘山隔千里望雲頻倚一枝藤

祝張雲巖四十初度

并序

雲巖與予俱丁巳六月生子長六日居復與同
衿荷衣總角輒相過從今四十初度矣歲月易
得來者可追願與雲巖共勉之時丙申季夏二
十有一日贈於粵東試院

雙丁少小本齊名六月懸弧有後庚我願雲龍相上下
君如秋鷗自縱橫蒼茫身世中年感慷慨交游卅載情

今夕銜盃阿母笑童牙都說要長生